

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ
ՄԱՍՆԱՃՅՈՒՂԻ ԳԻՏԱԿԱՆ ԽՈՐՀՐԴԻ ՆԻՍՏԻ

23.02.2019թ. ք. Իջևան

Նիստին ներկա էր գիտական խորհրդի 35 անդամներից 26-ը:

Նիստը վարում էր գիտական խորհրդի նախագահ Ա. Վ. Յուցուլյանը, նիստի քարտուղարն էր Մ. Ս. Աթոյանը:

Գիտական խորհրդի նախագահ Ա. Յուցուլյանը բացելով գիտական խորհրդի նիստը հայտարարեց քվեակազմի առկայության մասին և քվեարկության դրեց նիստի օրակարգը:

Օ Ր Ա Կ Ա Ր Գ

1. ԵՊՀ ԻՄ-ի գիտական խորհրդի՝ 2018-2019 ուստարվա երկրորդ կիսամյակի աշխատանքային ժամանակացույցի հաստատում:

/Զեկուցող՝ ԵՊՀ ԻՄ-ի գիտքարտուղար Մ. Ս. Աթոյան/

2. ԵՊՀ ԻՄ-ի՝ 2018-2019 ուստարվա երկրորդ կիսամյակի անվանական կրթաթոշակ ստացող ուսանողների ցանկի հաստատում:

/Զեկուցող՝ ԵՊՀ ԻՄ-ի ՈԻՄՎ պետ Ա. Յ. Դավթյան/

3. ԵՊՀ ԻՄ-ի կառուցվածքային փոփոխությունների մասին:

/Զեկուցող՝ ԵՊՀ ԻՄ-ի տնօրեն Ա. Վ. Յուցուլյան/

4. «Ակունք» գիտական հոդվածների ժողովածուի գործունեության մասին:

/Զեկուցող՝ ԵՊՀ ԻՄ-ի տնօրեն Ա. Վ. Յուցուլյան/

5. ԵՊՀ ԻՄ-ի հեռակա ուսուցման բաժնի կանոնադրության հաստատում /նոր խմբագրությամբ/

/Զեկուցող՝ ԵՊՀ ԻՄ-ի հեռակա ուսուցման բաժնի վարիչ Մ. Հ. Զուրաբյան/

6. ԵՊՀ ԻՄ-ի տնտեսական մասի կանոնադրության հաստատում /նոր խմբագրությամբ/

/Զեկուցող՝ ԵՊՀ ԻՄ-ի տնտեսական մասի վարիչ Վ. Ս. Սարգսյան/

7. ԵՊՀ ԻՄ-ի ուսումնամեթոդական վարչության կանոնադրության հաստատում /նոր խմբագրությամբ/

/Զեկուցող՝ ԵՊՀ ԻՄ-ի ՈԻՄՎ պետ Ա. Յ. Դավթյան/

8. Ընթացիկ հարցեր:

8.1 ԵՊՀ ԻՄ-ի բնական գիտությունների ֆակուլտետի, «Ընդհանուր մաթեմատիկայի և բնագիտության» ամբիոնի ասիստենտ, տ.գ.թ. Ա. Ամիրխանյանի դոցենտի գիտական կոչում ստանալու համար սահմանված գործընթացին մասնակցելու հարցը:

Գիտխորհրդի անդամների կողմից օրակարգի համար այլ հարց չառաջարկվեց և մասնակիցների բաց քվեարկությամբ ընդունվեց նիստի օրակարգը:

Օրակարգի առաջին՝ «ԵՊՀ ԻՄ-ի գիտական խորհրդի 2018-2019 ուստարվա երկրորդ կիսամյակի աշխատանքային ժամանակացույցի հաստատումը» հարցի կապակցությամբ լսեցին ԵՊՀ ԻՄ-ի գիտքարտուղարի Մ. Ս. Աթոյանի հաղորդումը: Նշվեց, որ գիտական խորհրդի հաստատմանը ներկայացված 2018-2019 ուստարվա երկրորդ կիսամյակի գիտխորհրդի ժամանակացույցի նախագիծը կազմված է հաշվի առնելով ԵՊՀ համապատասխան ժամանակացույցը և ԵՊՀ ԻՄ-ի բոլոր ստորաբաժանումների ժամանակացույցները և առաջարկները, հիմք ընդունելով ԵՊՀ ԻՄ-ի 2016-2020թթ. ռազմավարական ծրագրի ժամանակացույց պլանը:

Արտահայտվեցին – ԵՊՀ ԻՄ-ի տնօրենի պաշտոնակատար Ա. Յուցուլյանը, ՈԻՄՎ պետ Ա.Յ. Դավթյանը և Ընդհանուր մաթեմատիկայի և բնագիտության ամբիոնի վարիչի ժամանակավոր պաշտոնակատար(Ժ/Պ) Գ. Սիմոնյանը:

Ելույթ ունեցողները հավանություն տվեցին և առաջարկեցին հաստատել գիտական խորհրդի 2018-2019 ուստարվա երկրորդ կիսամյակի ժամանակցույցը համաձայն հավելված 1-ի:

Բաց քվեարկությամբ, միաձայն՝ 25 կողմ, 0 դեմ, 0 ձեռնպահ, որոշեցին

Որոշում 36/1

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 16-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 16-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

Հաստատել ԵՊՀ ԻՄ-ի գիտական խորհրդի 2018-2019 ուստարվա երկրորդ կիսամյակի ժամանակցույցը, համաձայն հավելված 1-ի:

Օրակարգի երկրորդ՝ «ԵՊՀ ԻՄ-ի 2018-2019 ուստարվա երկրորդ կիսամյակի անվանական կրթաթոշակ ստացող ուսանողների ցանկի հաստատումը» հարցի կապակցությամբ լսեցին ԵՊՀ ԻՄ-ի ՈԻՄՎ պետ Ա. Դավթյանի հաղորդումը:

Նա նշեց, որ ԵՊՀ ԻՄ-ում առկա են 12 անվանական կրթաթոշակներ, որոնցից 2-ը արտահամալսարանական ֆինանսավորման են (Վազգեն Սարգսյան և Մոնթե Մելքոնյան): Գիտական խորհրդի հաստատման ներկայացված 5 հավակնողների վերաբերյալ կան համապատասխան ֆակուլտետի գիտական խորհրդի որոշումները:

Հեռակա ուսուցման բաժնից առաջին անգամ կա անվանական կրթաթոշակի հավակնորդ՝ **«Հոգեբանություն»** մասնագիտության չորրորդ

կուրսի ուսանողուհի Նաիրա Մարատի Լազարյան, նա ունի ՄՈԳ-ով 3 (երեք) կիսամյակ անընդմեջ գերազանց առաջադիմություն:

Գիտլորհրդի հաստատմանն է ներկայացված.

- 1) Հումանիտար գիտությունների ֆակուլտետի **«Պատմություն»** մասնագիտության չորրորդ կուրսի ուսանողուհի **Վանուհի Սամվելի Գևորգյանին՝ «Մխիթար Գոշ»** անվանական կրթաթոշակ՝ հինգ կիսամյակ անընդմեջ գերազանց առաջադիմություն ցուցաբերելու, հասարակական ակտիվ դիրքորոշում և պատշաճ վարքագիծ ունենալու համար:
- 2) Հումանիտար գիտությունների ֆակուլտետի **«Հայոց լեզու և գրականություն»** մասնագիտության երրորդ կուրսի ուսանողուհի **Աստղիկ Արթուրի Ղազարյանին՝ «Գրիգոր Նարեկացի»** անվանական կրթաթոշակ՝ հինգ կիսամյակ անընդմեջ գերազանց առաջադիմություն ցուցաբերելու, հասարակական ակտիվ դիրքորոշում և պատշաճ վարքագիծ ունենալու համար:
- 3) Հումանիտար գիտությունների ֆակուլտետի **«Ֆրանսերեն լեզու և գրականություն»** մասնագիտության չորրորդ կուրսի ուսանողուհի **Լիլիթ Արտակի Եգանյանին՝ «Շառլ Ազնավուր»** անվանական կրթաթոշակ՝ չորս կիսամյակ անընդմեջ գերազանց առաջադիմություն ցուցաբերելու, հասարակական ակտիվ դիրքորոշում և պատշաճ վարքագիծ ունենալու համար:
- 4) Հումանիտար գիտությունների ֆակուլտետի **«Անգլերեն լեզու և գրականություն»** մասնագիտության չորրորդ կուրսի ուսանողուհի **Լիլիթ Արամի Ֆարմազյանին՝ «ԵՊՀ»** անվանական կրթաթոշակ՝ 5 (հինգ) կիսամյակ անընդմեջ գերազանց առաջադիմություն ցուցաբերելու,

հասարակական ակտիվ դիրքորոշում և պատշաճ վարքագիծ ունենալու համար:

- 5) Հեռակա ուսուցման բաժնի **«Հոգեբանություն»** մասնագիտության չորրորդ կուրսի ուսանողուհի **Նաիրա Մարատի Լազարյանին՝ «Դավիթ Անհաղթ»** անվանական կրթաթոշակ՝ 3 (երեք) կիսամյակ ՄՈԳ-ով անընդմեջ գերազանց առաջադիմություն ցուցաբերելու, հասարակական ակտիվ դիրքորոշում և պատշաճ վարքագիծ ունենալու համար:

Արտահայտվեցին – Տնօրեն Ա. Յուզուլյանը, տնօրենի խորհրդական Ա. Մակարյանը, Գ. Հովհաննիսյանը : Նրանք մասնավորապես նշեցին, որ նշված ուսանողների հասարակական ակտիվությունը որոշվել է ըստ ֆակուլտետների ուսանողական խորհուրդների ներկայացման:

Բաց քվեարկությամբ, միաձայն՝ 25 կողմ, 0 դեմ, 0 ձեռնպահ, որոշեցին

Որոշում 36/2

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 7-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 7-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

- 1) Հումանիտար գիտությունների ֆակուլտետի **«Պատմություն»** մասնագիտության չորրորդ կուրսի ուսանողուհի **Վանուհի Սամվելի Գևորգյանին՝ 2018–2019** ուսումնական տարվա երկրորդ կիսամյակում (ս/թ մարտի 1-ից սկսած մինչև ուսումնառության ավարտը) նշանակել **«Մխիթար Գոշ»** անվանական կրթաթոշակ՝ գերազանց առաջադիմություն ցուցաբերելու, հասարակական ակտիվ դիրքորոշում և պատշաճ վարքագիծ ունենալու կապակցությամբ:

- 2) Հումանիտար գիտությունների ֆակուլտետի «Հայոց լեզու և գրականություն» մասնագիտության երրորդ կուրսի ուսանողուհի **Աստղիկ Արթուրի Ղազարյանին՝** 2018-2019 ուսումնական տարվա երկրորդ կիսամյակում՝ ս/թ մարտի 1-ից մինչև սեպտեմբերի 1-ը, նշանակել **«Գրիգոր Նարեկացի»** անվանական կրթաթոշակ՝ գերազանց առաջադիմություն ցուցաբերելու, հասարակական ակտիվ դիրքորոշում և պատշաճ վարքագիծ ունենալու կապակցությամբ:
- 3) Հումանիտար գիտությունների ֆակուլտետի «Ֆրանսերեն լեզու և գրականություն» մասնագիտության չորրորդ կուրսի ուսանողուհի **Լիլիթ Արտակի Եգանյանին՝** 2018–2019 ուսումնական տարվա երկրորդ կիսամյակում (ս/թ մարտի 1-ից սկսած մինչև ուսումնառության ավարտը) նշանակել **«Շառլ Ազնավուր»** անվանական կրթաթոշակ՝ գերազանց առաջադիմություն ցուցաբերելու, հասարակական ակտիվ դիրքորոշում և պատշաճ վարքագիծ ունենալու կապակցությամբ:
- 4) Հումանիտար գիտությունների ֆակուլտետի «Անգլերեն լեզու և գրականություն» մասնագիտության չորրորդ կուրսի ուսանողուհի **Լիլիթ Արամի Ֆարմազյանին՝** 2018–2019 ուսումնական տարվա երկրորդ կիսամյակում (ս/թ մարտի 1-ից սկսած մինչև ուսումնառության ավարտը) նշանակել **«ԵՊՀ»** անվանական կրթաթոշակ՝ գերազանց առաջադիմություն ցուցաբերելու, հասարակական ակտիվ դիրքորոշում և պատշաճ վարքագիծ ունենալու կապակցությամբ:
- 5) Հեռակա ուսուցման բաժնի **«Հոգեբանություն»** մասնագիտության չորրորդ կուրսի ուսանողուհի **Նաիրա Մարտի Լազարյանին՝** 2018–2019 ուսումնական տարվա երկրորդ կիսամյակում (ս/թ մարտի 1-ից մինչև սեպտեմբերի 1-ը) նշանակել **«Դավիթ Անհաղթ»**

անվանական կրթաթոշակ՝ գերազանց առաջադիմություն ցուցաբերելու, հասարակական ակտիվ դիրքորոշում և պատշաճ վարքագիծ ունենալու կապակցությամբ:

Օրակարգի երրորդ՝ « ԵՊՀ ԻՄ-ի կառուցվածքային փոփոխությունների մասին» հարցի վերաբերյալ լսեցին տնօրենի պաշտոնակատար Ա. Ցուցուլյանի հաղորդումը: Նա նշեց, որ այս պահին Հումանիտար գիտությունների ֆակուլտետում գործում են օտար լեզուների հետ կապված երկու ամբիոն և մեկ սեկցիա՝ Ֆրանսերեն լեզվի և գրականության ամբիոն, Անգլերեն լեզվի և գրականության ամբիոն և Ռուսաց լեզվի և գրականության սեկցիա, մյուս կողմից այս մասնագիտություններով ուսանողների թիվը բավականին քիչ է և առաջարկում եմ միավորել Ֆրանսերեն լեզվի և գրականության ամբիոնը Անգլերեն լեզվի և գրականության ամբիոնը և Ռուսերեն լեզվի և գրականության սեկցիան, դրանց հիմքի վրա ձևավորելով մեկ Օտար լեզուների ամբիոն:

Արտահայտվեցին – ԵՊՀ ԻՄ-ի Ուսումնամեթոդական վարչության պետ Ա. Դավթյանը և Ընդհանուր մաթեմատիկայի և բնագիտության ամբիոնի վարիչի Ժ/Պ, դոցենտ Գ. Սիմոնյանը:

Մասնավորապես Գ. Սիմոնյանը հարցրեց թե քանի հաստիք ունեն բոլորը միասին, իսկ Ա. Դավթյանը նշեց, որ երեքը միասին բոլոր ժամանակներում ունեցել են 18-20 հաստիք:

Բաց քվեարկությամբ, միաձայն՝ 25 կողմ, 0 դեմ, 0 ձեռնպահ, որոշեցին

ՈՐՈՇՈՒՄ 36/3

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 2-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի

կանոնակարգի 4-րդ կետի 2-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հավանություն տալ տնօրենի ներկայացրած կառուցվածքային փոփոխություններին՝

Ա) Լուծարել Ֆրանսերեն լեզվի և գրականության ամբիոնը,

Բ) Լուծարել Անգլերեն լեզվի և գրականության ամբիոնը,

Գ) Լուծարել Ռուսաց լեզվի և գրականության սեկցիան,

Դ) Ֆրանսերեն լեզվի և գրականության ամբիոնի, Անգլերեն լեզվի և գրականության ամբիոնի և Ռուսաց լեզվի և գրականության սեկցիայի հիման վրա վերակազմակերպել մեկ՝ Օտար լեզուների ամբիոն:

2. ԵՊՀ ռեկտորին ներկայացնել համապատասխան առաջարկ:

Օրակարգի չորրորդ՝ ««Ակունք» գիտական հոդվածների ժողովածուի գործունեության մասին» հարցի վերաբերյալ լսեցին տնօրենի պաշտոնակատար Ա. Ցուցույանի հաղորդումը:

Նա նշեց, որ այս հարցի վերաբերյալ նախատեսվում էր լսել «Ակունք» գիտական հոդվածների ժողովածուի գլխավոր խմբագիր, պ.գ.դ., պրոֆեսոր Ա. Ներսիսյանի հաղորդումը սակայն առողջական խնդիրների պատճառով նա չի ներկայացել նիստին և նրա նկատառումները կներկայացնի գիտքարտուղար Մ. Աթոյանը:

Մ. Աթոյանը նշեց, որ պրոֆեսոր Ա. Ներսիսյանը ուղարկել է իր նկատառումները այս հարցի վերաբերյալ և ներկայացրեց դրանք:

Նշվեց, որ մինչ այժմ այն հրատարակվել է որպես ժողովածու, այսուհետ պետք է հրատարակել որպես հանդես:

Իսկ չափորոշիչներում նորություններն են.

1. Ժողովածուն պետք է ունենա իր կայքը, ուր կներկայացվեն հանդեսի էթիկայի կանոնները, վճարովի է այն թե՛ ոչ, ինչպես նաև խմբագրական խորհրդի կազմը:

2. Պետք է հստակ մատնանշվի, թե քանի էջի սահմաններում է այն լինելու:
3. Պետք է տրվեն տեղեկություններ հեղինակների մասին:
4. Յուրաքանչյուր հոդված պետք է ունենա գրախոսություն կամ երաշխավորություն, որը պետք է պահվի արխիվում:
5. Կարող է այս ամենը գետեղվել մասնաճյուղի կայքում, բայց պետք է լրացուցիչ տեղ հատկացվի:
6. Կայքում տեղադրվելու է էլեկտրոնային տարբերակը, որը նախկինում էլ էինք անում:
7. Պետք է հստակեցվի՝ հանդեսը լինելու է գիտական, թե գիտամեթոդական: Երկուսը միատեղ չի կարելի:
8. Պետք է հստակեցվի, թե ինչ պարբերությամբ է տպվելու /կարծում եմ տարին երեք անգամը բավարար է/:

Այնուհետև նշվեց, քանի որ «Ակունքը» հանված է ԲՈԿ-ի ցանկից /ինչպես բազմաթիվ հանդեսներ և տարեգրքեր/, մինչև օրս տպագրության է ներկայացվել ընդամենը չորս հոդված, անհրաժեշտ է ԵՊՀ ԻՄ-ի պրոֆեսորադասախոսական կազմի ակտիվ մասնակցությունը մինչև հունիս առնվազն մեկ համար լույս ընծայելու համար:

Արտահայտվեցին – Ա. Յուցուլյանը, Մ. Միքայելյանը, Գ. Հովհաննիսյանը, Գ. Միմոնյանը, Ա. Մակարյանը և այլք:

Այնուհետև տնօրենի պաշտոնակատար Ա. Յուցուլյանը ներկայացրեց ԲՈԿ –ի պահանջները.

1. Պարբերական գիտական հրատարակությունները /այսուհետև՝ պարբերական/ պետք է հրատարակվեն գիտական կենտրոնների կամ գիտական կազմակերպությունների, ինչպես նաև պետական կամ հավատարմագրված բարձրագույն ուսումնական հաստատությունների գիտական /գիտատեխնիկական/ խորհուրդների երաշխավորությամբ:

2. Պարբերականը պետք է լինի գիտական կամ գիտամեթոդական, ունենա բովանդակության տարանջատում՝ ըստ մասնագիտությունների:

3. Պարբերականը պետք է ունենա տվյալ բնագավառի մասնագետների լայն ընդգրկումով խմբագրական խորհուրդ՝ ձևավորված առաջատար մասնագետներից: Խմբագրակազմը իր գործունեությամբ պարտավոր է ապահովել պարբերականում հրապարակվող նյութերի գիտական նորույթը, նյութերում առկա փոխառված մտքերի ու պնդումների համար հղումների առկայությունը:

4. Պարբերական հրատարակությունում հրապարակվող նյութերը պետք է գրախոսվեն կամ երաշխավորված լինեն տպագրության: Երաշխավորությամբ տպագրվող հոդվածի համար երաշխավորող մասնագետի անվան առկայությունը պարտադիր է: Գրախոսականները կամ երաշխավորագրերը պետք է պահպանվեն խմբագրությունում /արխիվացվեն/, իսկ պահանջի դեպքում ներկայացվեն ԲՈԿ:

5. Պարբերականը պետք է ունենա որոշակիացված ծավալ և պարբերականություն՝ տարին առնվազն երկու համար, պետք է առաքվի Հայաստանի ազգային գրապալատ, Հայաստանի ազգային գրադարան, մասնագիտական և գիտական գրադարաններ: Հավելվածները և լրացուցիչ թողարկումները չեն հավասարվում տվյալ պարբերականին:

6. Պարբերականը պետք է ունենա համացանցային կայք, որտեղ պետք է ընդգրկվի՝

- ա) խմբագրակազմի անդամների մասին մանրամասն տեղեկատվություն՝ ներառյալ անդամների հետ կապ հաստատելու եղանակ (հեռախոս, էլ. փոստ, հաղորդագրության միջոց կամ հղում անձնական կայք էջին),
- բ) պարբերականի վերաբերյալ հիմնական տեղեկատվությունը, տպագրված

բոլոր նյութերի ամփոփագրերը (ռուսերեն կամ անգլերեն), հիմնաբառերը, հեղինակների մասին տվյալները,

զ) պարբերականի էթիկայի կանոնները, հոդվածի տպագրման վճարովի կամ անվճար հիմունքները, տպագրման համար պահանջվող վճարի չափը և գրախոսման կանոնները,

դ) ամբողջական արխիվը՝ սկսած 2013 թվականից, ավելի ուշ տպագրվողներինը՝ սկսած տպագրության թվականից,

ե) սեփական էլեկտրոնային փոստի հասցեն:

7. Պարբերականում պետք է նշվեն նյութերի ներկայացման, գրախոսման և տպագրության ընդունման ամսաթվերը:

8. Պարբերականը պետք է գրանցված լինի պարբերականների միջազգային ստանդարտ համարակալման /ISSN/ համակարգում և ունենա ISSN համարանիշ:

9. Պարբերականը վերը նշված պահանջները բավարարելու դեպքում դիմում է ՀՀ ԿԳՆ ԲՈԿ՝ համապատասխան ցուցակում ընդգրկվելու համար: Ցուցակը պարբերաբար վերանայվում է:

10. “Web of science” կամ “Scopus” շտեմարաններում պարբերականի ընդգրկված լինելը նույնպես բավարար պայման է ԲՈԿ-ի ցուցակում ընդգրկվելու համար:

Գ. Սիմոնյանը, Ա. Մակարյանը և Գ. Հովհաննիսյանը առաջարկեցին գրախոսությունների համար գրախոսներին վճարել 10 000 դրամ:

Առաջարկ եղավ նաև հրատարակել տարեկան 2 համար և ավճար դարձնել բոլորի համար, հաստատել խմբագրական խորհուրդի նոր կազմը և կանոնադրությունը՝ նոր խմբագրությամբ:

Բաց քվեարկությամբ՝ 25 կողմ, 0 դեմ, 0 ձեռնպահ, որոշեցին

Որոշում 36/4

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 4-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 4-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել ԵՊՀ ԻՄ-ի «Ակունք» պարբերական գիտամեթոդական հրատարակության խմբագրության կանոնադրությունը»՝ համաձայն հավելված 2-ի:
2. Ուժը կորցրած ճանաչել ԵՊՀ ԻՄ-ի գիտական խորհրդի 2010թ.-ի սեպտեմբերի 24-ի նիստում հաստատված ԵՊՀ ԻՄ-ի «Գիտական հոդվածների ժողովածու» հանդեսի խմբագրության կանոնադրությունը:

Բաց քվեարկությամբ՝ 25 կողմ, 0 դեմ, 0 ձեռնպահ, որոշեցին

Որոշում 36/5

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 16-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 16-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

1. «Ակունք» հանդեսը հրատարակել տարվա մեջ առնվազն 2 անգամ:

2. «Ակունք» հանդեսի էջերի քանակը սահմանել 150-200 էջի սահմաններում:
3. «Ակունք» հանդեսում հրատարակել գիտամեթոդական բնույթի հոդվածներ:
4. «Ակունք» հանդեսում հրատարակվելը դարձնել անվճար:
5. «Ակունք» հանդեսի հոդվածների գրախոսման համար սահմանել 10 000 դրամ վճար:
6. «Ակունք» հանդեսի գլխավոր խմբագրի պաշտոնում նշանակել պ.գ.դ., պրոֆեսոր Ա. Ներսիսյանին:
7. Հանձնարարել «Ակունք» հանդեսի գլխավոր խմբագրի պ.գ.դ., պրոֆեսոր Ա. Ներսիսյանին կազմակերպել «Ակունք» հանդեսի հրատարակումը համաձայն ԲՈԿ-ի պահանջների:

Օրակարգի հինգերորդ՝ «ԵՊՀ ԻՄ-ի հեռակա ուսուցման բաժնի կանոնադրության հաստատում /նոր խմբագրությամբ/» հարցի վերաբերյալ լսեցին ՀՈԻԲ վարիչ Մ. Զուրաբյանի հաղորդումը:

Նա նշեց, որ ԵՊՀ ԻՄ-ի հեռակա ուսուցման բաժնի գործող կանոնադրության մեջ փոփոխություններ և լրացումներ կատարելու անհրաժեշտություն է առաջացել: Այն առավելապես պայմանավորված է ԵՊՀ-Ի իրավական կարգավիճակի փոփոխության հետ (այն դարձել է հիմնադրամ) և այս համատեքստում պետք է նրա կազմի մեջ մտնող ստորաբաժանումների կանոնադրությունը համահունչ դարձնել վերոհիշյալ կարգավիճակին: Հեռակա ուսուցման բաժնի գործող կանոնադրությունը հաստատվել է 2012թ. նոյեմբերի 10-ի գիտական խորհրդի նիստում և օբյեկտիվ անհրաժեշտություն է առաջացել կանոնադրության մեջ որոշ փոփոխություններ և լրացումներ կատարել, և այն

պայմանավորված է հեռակա ուսուցման արդյունավետության շարունակական բարձրացման նպատակադրումից: Ձեր հաստատմանը ներկայացվող կանոնադրության նախագծում առավել հստակեցվել և կոնկրետացվել են ՀՈՒԲ-ի խնդիրներն ու գործառույթները, բաժնի վարիչի իրավասությունների և պարտավորությունների շրջանակը: Ի տարբերություն նախորդ կանոնադրության, այստեղ աշխատակիցների գործառույթները սահմանված են տվյալ հաստիքով նախատեսված պաշտոնի անձնագրերում:

Արտահայտվեցին – Ա. Յուցուլյանը, Գ. Սիմոնյանը, Մ. Միքայելյանը, Կ. Պողոսյանը և այլոք: Մասնավորապես նշվեց, որ կան խմբագրական բացթողումներ և կարելի է որոշ կետեր ավելի հստակեցնել:

Տնօրեն Ա. Յուցուլյանը առաջարկեց կազմել հանձնաժողով ԵՊՀ ԻՄ-ի իրավական ակտերի վերամշակման և փորձաքննության համար հետևյալ կազմով. Ա. Մակարյան, Մ. Աթոյան, Ն. Նազարյան, Ս. Գաբրիելյան, Ա. Մարգարյան, ՀՈՒԲ կանոնադրության հաստատումը քննարկել առաջիկա գիտական խորհրդի նիստում հանձնաժողովի կողմից վերանայելուց հետո:

Բաց քվեարկությամբ՝ 25 կողմ, 0 դեմ, 0 ձեռնպահ, որոշեցին

Որոշում 36/6

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 14-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի

կանոնակարգի 4-րդ կետի 14-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել ԵՊՀ ԻՄ-ի իրավական ակտերի նախագծերի մշակման և փորձաքննության մշտական հանձնաժողովի փոփոխված կազմը համաձայն հավելված 3-ի:
2. Հանձնարարել հանձնաժողովին վերանայել ՀՈԻԲ կանոնադրությունը և ներկայացնել հաստատման առաջիկա գիտական խորհրդի նիստում:

Օրակարգի վեցերորդ՝ « ԵՊՀ ԻՄ-ի տնտեսական մասի կանոնադրության հաստատում /նոր խմբագրությամբ/» հարցի վերաբերյալ լսեցին Տնտեսական մասի վարիչ Վ. Սարգսյանի հաղորդումը: Նա նշեց, որ նախագիծը նախօրոք ուղարկվել է գիտական խորհրդի բոլոր անդամներին, նոր խմբագրությամբ աշխատել ենք առավել հստակեցնել ստորաբաժանման գործառույթները և կառուցվածքը:

Արտահայտվեցին – Գ. Սիմոնյանը, Մ. Ճաղարյանը, Գ. Հովհաննիսյանը, Կ. Պողոսյանը:

Մասնավորապես առաջարկվեց 1.5 կետը դարձնել 1.3, 2.1 կետի ա) և բ) ենթակետերը միավորել, ը) ենթակետում ավելացնել «գազի սպասարկումը» արտահայտությունը:

Բաց քվեարկությամբ՝ 25 կողմ, 0 դեմ, 0 ձեռնպահ, որոշեցին

Որոշում 36/7

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 4-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի

կանոնակարգի 4-րդ կետի 4-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել ԵՊՀ ԻՄ-ի տնտեսական մասի կանոնադրությունը /նոր խմբագրությամբ/ առաջարկված փոփոխություններով հանդերձ՝ համաձայն հավելված 4-ի:
2. Ուժը կորցրած ճանաչել ԵՊՀ ԻՄ-ի գիտական խորհրդի 2014թ.-ի սեպտեմբերի 17-ի թիվ 5 նիստում հաստատված ԵՊՀ ԻՄ-ի տնտեսական մասի կանոնադրությունը կանոնադրությունը

Օրակարգի յոթերորդ՝ « ԵՊՀ ԻՄ-ի ուսումնամեթոդական վարչության կանոնադրության հաստատում /նոր խմբագրությամբ/» հարցի վերաբերյալ լսեցին ՈԻՄՎ պետ Ա. Դավթյանի հաղորդումը: Նա նշեց, որ նախագիծը նախօրոք ուղարկվել է գիտական խորհրդի բոլոր անդամներին, նոր խմբագրությամբ աշխատել ենք առավել հստակեցնել ստորաբաժանման գործառույթները և կառուցվածքը:

Արտահայտվեցին – Գ. Սիմոնյանը, Մ. Ճաղարյանը, Գ. Հովհաննիսյանը, Կ. Պողոսյանը:

Նշվեց, որ կան մի շարք խմբագրական բացթողումներ և առաջարկվեց հարցը քննարկել նոր ձևավորված հանձնաժողովի եզրակացությունից հետո:

Բաց քվեարկությամբ՝ 25 կողմ, 0 դեմ, 0 ձեռնպահ, որոշեցին

Որոշում 36/8

Ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 16-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 16-րդ կետի 4-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

- Հանձնարարել ԵՊՀ ԻՄ-ի իրավական ակտերի նախագծերի մշակման և փորձաքննության հանձնաժողովին ուսումնասիրել և տալ եզրակացություն ՈԻՄՎ-ի կանոնադրության վերաբերյալ:

Ընթացիկ հարցեր:

Լսեցին - ԵՊՀ ԻՄ-ի ընդհանուր մաթեմատիկայի և բնագիտության ամբիոնի ասիստենտ, տեխնիկական գիտությունների թեկնածու Արտակ Ամիրխանյանի դոցենտի գիտական կոչում ստանալու համար սահմանված գործընթացին մասնակցելու հարցի վերաբերյալ ԵՊՀ ԻՄ-ի գիտքարտուղար Մ. Աթոյանի հաղորդումը:

ԵՊՀ ԻՄ-ի գիտքարտուղար Մ. Աթոյանը նշեց, որ ԵՊՀ ԻՄ-ի բնական գիտությունների ֆակուլտետի ընդհանուր մաթեմատիկայի և բնագիտության ամբիոնի 2019թ. փետրվարի 18-ի թիվ 8 նիստում քննարկվել է նույն ամբիոնի ասիստենտ, տեխնիկական գիտությունների թեկնածու Արտակ Ամիրխանյանին դոցենտի գիտական կոչում շնորհելու հարցը, և հաշվի առնելով հայցողի գիտամանկավարժական գործունեության տվյալները՝ նրան երաշխավորել են դոցենտի գիտական կոչում շնորհելու համար և դիմել են ԵՊՀ ԻՄ-ի գիտական խորհրդին՝ առաջարկելով միջնորդել ԵՊՀ-ի գիտական խորհրդին՝ տեխնիկական գիտությունների թեկնածու Արտակ Ամիրխանյանին շնորհել դոցենտի գիտական կոչում:

Գիտքարտուղար Մ. Աթոյանը նշեց, որ ԵՊՀ ԻՄ-ի գիտական խորհրդին կից մրցութային հանձնաժողովը քննարկել է խնդրո առարկա հարցը և ուսումնասիրելով հայցողի անձնական գործի նյութերը՝ արձանագրել է հետևյալը.

ԵՊՀ ԻՄ-ի բնական գիտությունների ֆակուլտետի ընդհանուր մաթեմատիկայի և բնագիտության ամբիոնի ասիստենտ, տեխնիկական գիտությունների թեկնածու Արտակ Ամիրխանյանը ԵՊՀ ԻՄ-ում աշխատում է

2016 թ.-ից սկսած՝ իրականացնում է մասնագիտությանը համապատասխան գիտամանկավարժական գործունեություն:

Նա ունի գիտամանկավարժական և ուսումնամեթոդական աշխատանքներ կատարելու անհրաժեշտ փորձ և արհեստավարժ է: Արտակ Ամիրխանյանի դասավանդման որակի և արդյունավետության վերաբերյալ ուսանողական հարցումների միջին գնահատականը 4.92 է:

Արտակ Ամիրխանյանը թեկնածուական ատենախոսությունը պաշտպանել է 2015 թ.-ին: Թեկնածուական ատենախոսությունը պաշտպանելուց հետո նա ունի 2 (երկու) հրատարակած գիտական հոդված և 1 (մեկ) ուսումնամեթոդական աշխատանք:

Նա, համաձայն Հայաստանի Հանրապետության կառավարության 2001թ. հուլիսի 9-ի «Հայաստանի Հանրապետությունում գիտամանկավարժական կադրերին պրոֆեսորի և դոցենտի գիտական կոչումներ շնորհելու մասին» N 615 որոշման 2-րդ՝ «Դոցենտի գիտական կոչում շնորհելը» բաժնի բ. Ենթակետի, որը նախատեսում է դոցենտի գիտական կոչում շնորհել «գիտությունների թեկնածուի գիտական աստիճան ունեցող անձանց, ովքեր գիտական կոչում շնորհող ԲՈՒՀ-ում ունեն գիտամանկավարժական աշխատանքի առնվազն 3 տարվա ստաժ և վերջին 3 տարվա ընթացքում այդ ԲՈՒՀ-ում իրականացրել են մասնագիտությանը համապատասխան գիտամանկավարժական գործունեություն», կարող է հավակնել դոցենտի գիտական կոչման:

Հաշվի առնելով այդ ամենը կարելի է արձանագրել, որ ԵՊՀ ԻՄ-ի բնական գիտությունների ֆակուլտետի ընդհանուր մաթեմատիկայի և բնագիտության ամբիոնի ասիստենտ, տեխնիկական գիտությունների թեկնածու Արտակ Ամիրխանյանի տվյալները բավարար են դոցենտի գիտական կոչում ստանալու համար և կարելի է միջնորդել ԵՊՀ գիտական խորհրդին:

Այնուհետև ԵՊՀ ԻՄ-ի տնօրենի պաշտոնակատար Ա. Յուցուլյանը քվեարկության դրեց Արտակ Ամիրխանյանի դոցենտի գիտական կոչում շնորհելու համար երաշխավորելու և ԵՊՀ գիտխորհրդի միջնորդությանը դիմելու հարցը:

Բաց քվեարկությամբ, միաձայն (25 կողմ, 0 դեմ, 0 ձեռնպահ) **որոշեցին**.

Որոշում 36/9

Հաշվի առնելով, որ ԵՊՀ ԻՄ-ի բնական գիտությունների ֆակուլտետի ընդհանուր մաթեմատիկայի և բնագիտության ամբիոնի ասիստենտ, տեխնիկական գիտությունների թեկնածու **Արտակ Ամիրխանյանի** գիտամանկավարժական գործունեության տվյալները լիովին համապատասխանում են Հայաստանի Հանրապետության կառավարության 2001թ. հուլիսի 9-ի «Հայաստանի Հանրապետությունում գիտամանկավարժական կադրերին պրոֆեսորի և դոցենտի գիտական կոչումներ շնորհելու մասին» N 615 որոշման 2-րդ՝ «Դոցենտի գիտական կոչում շնորհելը» բաժնի բ. ենթակետի, ինչպես նաև այդ հարցում նորմատիվային այլ փաստաթղթերի պահանջներին, ղեկավարվելով Երևանի պետական համալսարանի Իջևանի մասնաճյուղի կանոնադրության 21-րդ կետի 16-րդ ենթակետով և Երևանի պետական համալսարանի Իջևանի մասնաճյուղի գիտական խորհրդի կանոնակարգի 4-րդ կետի 16-րդ ենթակետով՝ Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Երաշխավորել ԵՊՀ ԻՄ-ի բնական գիտությունների ֆակուլտետի ընդհանուր մաթեմատիկայի և բնագիտության ամբիոնի ասիստենտ, տեխնիկական գիտությունների թեկնածու **Արտակ Ամիրխանյանին** դոցենտի գիտական կոչում ստանալու համար:
2. Միջնորդել ԵՊՀ գիտական խորհրդին՝ ԵՊՀ ԻՄ-ի բնական գիտությունների ֆակուլտետի ընդհանուր մաթեմատիկայի և

բնագիտության ամբիոնի ասիստենտ, տեխնիկական գիտությունների
թեկնածու Արտակ Ամիրխանյանին շնորհել դոցենտի գիտական
կոչում և համապատասխան առաջարկով դիմել ՀՀ ԲՈԿ:

Գիտական խորհրդի նախագահ _____ Ա. Վ. Ցուցույան

Գլխավորտնօրենս _____ Մ. Ս. Աթոյան

23.02.2019թ.